




C7874

Ud 5368

2^o



Brud 5368 ll (1-14)

2
F E R A L I S
IN KOTFICIO CAMPO
C V P R E S S V S,

inuida Libitinæ manu

ad luctuosissimum obitum

ILLVSTRISSIMI OLIM & MAGNIFICI DNI

D. CASIMIRI

DE RADOMICKO

RADOMICKI

CASTELLANI CALISSIENSIS.

MOSINENSIS &c. CAPITANEI.

magni & desideratissimi SENATORIS

P L A N T A T A.

&

dñm Posnamæ in Ecclesia PP. Carmelitarum Discalceatorum.

Iusta ei Funebria

summo omnium dolore persoluerentur
in vim debitæ gratitudinis Benefactoris sui.

a

M. IGNATIO IACOBI

in Alma Vniuersitate Cracouiensi Philosophiæ Doctore, ac in-
terea in Academia Posnantiensi Rhetoricæ Professore,

Contubernij Szoldrsciani Praefecto.

parentalis calami obsequio

luci publicæ

E X H I B I T A.

A. D. 1690. die 23. Mensis Ianuarij.

TYPIS ACADEMIÆ POSNANIENSIS.

In Gentilitium
 ILLVSTRISSIMÆ
 RADOMICCIANÆ
 Domûs Insigne.



Funereis CAMPVS lachrymis RADOMICCIVS vndae
 Atq; nouo planctûs mergitur ille freto.
 Pullatus dolor hic stagnat, lessumq; gementem
 Nutrit deciduis officiosus aquis.
 Dira sepulchralem simulac Libitina Cupressum
 Tristi KOTFICIIS onine seuit Agris.
 Illicò funebres luctus, queruliq; dolores
 Triste parentando composuere salum.

683625

ILLVSTRISSIMIS
 &
 MAGNIFICIS DOMINIS
 D. MATHIÆ,
 D. ANDREÆ ALEXANDRO,
 D. STEPHANO IOSEPHO,
 D. VLADISLAO,
 de Radomicko
 RADOMICCIIS
 CASTELLANIDIS CALIS-
 SIENSIBVS,
 MOSINENSIBVS CAPITANEIDIS.
 Dominis & Patronis Amplissimis.

P Redit in publicum ante conspectum Vestrum pullata mea Pa-
 gina. ILLVSTRISSIMI & MAGNIFICI DOMINI.
 Quæ nuper ab immiti Libitina in Gentilitio Vestro CAM-
 PO plantatam feralem Cupressum. Vestris nunc spectandam ex-
 hibet oculis. Triste quidem munus & serena Illustrum luci
 non tantoperè conforme: nisi quoq; & ipsa inter sepulchrales lu-
 ctus, lessum spiret & atrato hymate communem testetur dolo-
 rem. Adouit eius officiosam mentem crudele Fatum Illustrissi-
 mi olim Parentis Vestri, ut lugubri dolentis calami obsequio,
 augustis illius parentaret Manibus. Imparem se certè huic illa
 Officio ac tam sublimi argumento minus aptam fatetur: amplitu-
 dine Nominis Vestri & gloria, imbelles anhelantis superante
 humeros: Ast cum non raro: Conamur tenues grandia. Etiam...

proms

promptæ eius voluntati dabitur venia, si non ex condigno laudes attigerit, Sophocleo potius cothurno, vel Pindari tentandas ple-
tro. Augusta gloriæ Nominisq; Vestri dignitas, in sui præconia, non unius olim Demosthenis aureum os, aut Plinij eruditum ca-
lamum animabit. Sed quid laudes innuo? Non affectat peregrina-
nam alienæ facundia opem, cuius immortalem gloriam operosa
sustentat Virtus. ac negligit elaborati sermonis apparatus, melli-
tiq; Oris aspernatur dulcorem, quem factorum, non verborum
immortalia circumstant decora. Serenam itaq; frontem paren-
tanti meæ explicat Pagella, quæ Illustrissimam Vmbra non
minus in Vobis, quam in vocali calamo perennare ambientem, im-
mortalitati commendat siquidem: Quem Musa referent, viuet. Ac-
ceptate mea in augustos Illustrissimi Senatoris Parentis Vestri
MANES studiosa obsequia ac officiosa studia, quæ ita claris Ci-
neribus in reuerentiam submitto, ut vestro simul applaudam
honori.

Vestrarum Illustrissimarum
& Magnificarum Dominationum

deuotissimus seruus.

M. IGNATIVS IACOBI

P. D. R. P. G. S. P.

FERALIS IN KOTFICIO CAMPO CVPRESSVS, inuidâ Libitinæ manu PLANTATA.

Tristes cupressos ac fatales taxos,
nemini vnquam spectare concessum est,

nisi quem Tragico spectaculo

iuuat mortalitatis admoneri.

Exitiale semper habitum,

si feralis Cupressus

tristium securas obsedit ædes,

illis inauspicato, nec vano omine

è vestigio dira lethi incubuit necessitas.

Lugubri obsequio,

ut defunctorum cineribus parentaret,

sua illam vitæ ratio & naturæ facultas,

tristi huic damnauit officio.

Luctibus oculi,

gemitibus ac suspirijs pectora destinantur,

ubi funesta hæc arbor,

inuisas frondium explicat comas,

dirum ac ingratum mortalibus omen.

Pio lachrymarum stillicidio,

malè ominosæ litare decet,

quæ funebrium nuntia,

ad dolorem spectantium,

x

flebi-

flexibilem scenam & sepulchralem instruit apparatus.

Quorum fata crudelis Libitina
fatalis huius ligni signat calculo,
negata illis vitæ subicit tesseram.
Ferreus illos lethi sopor occupat,
quibus profundam quietem
somnumq; inducit perpetuum,
arboris funerea umbra & occulta potestas.

Sic equidem
tristi fatorum lege
miseri urgemur mortales:
cum ea vitæ nostræ conditio est,
ut mori, etiam optimi portus sit.
A die, quo nascimur,
moriendi sumimus auspiciū
certè non incerta morti victima futuri.
Nascentes morimur, finisq; ab origine pendet,
ac extremus dies, æterni natalis est.
Sic quidquid ortum est, exitus occupat, premitq; finis.

Agunt opus suum fata,
quibus euitandis superuacaneum est,
vota & studia nihil profutura impendi.
Frustra dulcis illecebra vitæ
constantem demulcet affectum:
cum omnis hora, per tacitos fallacesq; cursus,
nos applicet Fata.

& protrahendæ vitæ blanda spes,
ingentes plerumq; frangat animos.
Nemini quippè vitæ datur mancipio,
omnibus usu.

Porrò dum vitam nos agere securam arbitramur,
mors ubiq; comes nostro adhæret lateri,
que ut facilius obrepat,
sub ipso vitæ latet nomine.

Trita mortis via,
aberrare, vel deflecti ab illa,
nemini vnquam licuit.

ita, ut tendentes ordine, non sine variamur:
cum sit fixus unicuiq; terminus

Atti-

Attigit hunc

metaq; dati peruenit ad ævi,
suo fatorum iure ereptus terris,

Illustrissimus olim & Magnificus Dominus

D. CASIMIRVS

de Radomicko

RADOMICKI,

Castellanus Calissiensis, Mosinen: &c

CAPITANEVS.

quem inmitis sustulit Libitina,

in cuius Gentilitio Campo

feralem erexerat Cupressum,

funereos lucus & sepulchrales excitura nannias.

Succubuit mortalitatis legi,

cui neminem resistere posse;

sed illius potestatem ac ius

in omnes pariter extendi nouerat.

Dignus vel exinde laude

quod in procmæu semper eius stetit animus,

id, quod necessitatis, nunquam metuens;

quod incerti, expectans.

Non debet etenim mors eorum silentio præteriri,
quorum vita aues laudum & encomiorum exstitit.

I.

Majorum series & Auita Prosapia,

Illustrissimi Senatoris.

Præcipua gloriæ portio est,

veteri Prosapiâ nasci

& diuturno sæculorum tractu, per memores Fastos,

antiquitatem illustris generis deducere,

non vltima probatur laus.

Iuuat certè longo sanguine censeri.

Quo gloriæ & felicitatis argumento,

inter alias Nobilissimas Familias,

Illustrissima Radomiccia Domus,

non immeritò extolli potest,

Cuius antiquitas si inquiratur,

illam.

B 2

vel

vel cum ipso statim Lechæi throni fundamentonatum,
dignitas eius & amplitudo probat.

Postquam Princeps aduena Lechiæ Parens,
in his desertis campis peregrinum fixit pedem,
illicò etiã KOTFICIVM enituisse CAMPVM,
probabile est:

ut dubium sit,

an non in KOTFICIO CAMPO,
noui protunc Regni iacta fundamenta?

in quo

Regina volucrum generosa Ales ac Sarmatici sceptri insigne,
sua olim haberet incunabula.

cùm & ipsa nomenclatura Campi,
nutantem detegat veritatem.

Iactet Ascia,

quæ struxit Lechici cunabula Regni,
inter alia Sarmatici Orbis Glenodia primatum;
ast & hæc non extra Campum,

natiuo splendet honore.

Etiã illa campestri conclusa situ,
intra Campi Orbitam,
eximium sui nouit decus.

Et reliqua Lechæi sceptri insignia,
quæ etsi verustà suæ originis dignitate commendentur;
illorum tamen splendor
non excedit natiuos campi limites.

Debetur non parua KOTFICIO CAMPO laudis adorea:
quod cùm alta Gentilitia Arma,

suam in cognatis Campis habeant stationem,

ipse sibi sit sedes, ipse situs, ipse domicilium,

ut iure merito cæteris antecellens,

securus suæ amplitudinis & honoris
facile teneat Principatum.

Nobilissimus?

Qui, non Pomonæ, aut Aleinôi munera,

Tantaleam non fugaci solatio depellentia famem:
non herbas dapas,

Prothei pecoris impastam exultantes orexim:
nec deniq; breui admodum vitales oculorum delicias
superbæ Chloridis dotes producit;

sed

Cæsarum

Cæsarum Coronas, Regales Thronos,
Archiepiscopales Cruces, Pontificias Tiaras,
Principum Mitras, Senatorias Curules,
Duales Clauas, Mareschaleorum Insignia
& reliqua trabeati honoris decora
diuice parturit sinu.

In quo

Vniuersa hæc honorum supellex,

quam Virtus & Fortuna

liberali inseruit vel inserit manu,

non alibi melius renidens efflorescit.

Primum KOTFICIÆ GENTIS Authorem

IOANNEM POCHNERVM

fidi gestorum testes celebrant Annales,

qui Marchio & Libet Baro ex Austriaca Familia

genus & originem ducens,

Aduena Sarmaticis Oris

Augustum Austriacæ Domûs germen intulit.

tot Cæsares & Reges,

tot Principes & Dynastas

Lechico producturus Orbi,

quot KOTFICIOS

auitæ libertatis Assertores.

Placuit in sedem & hospitium Lechiæ Aliti

KOTFICIVM deuovere CAMPVM,

in cuius sinu

biceps Austriaca Ales

à numerosa annorum serie

hucusq; tutè concessis fouetur cunabulis.

in quo

Augusta Romani Imperii viget Majestas,

& approbante Polo

perennatura eius dignitas

secuturis etiã florebit sæculis.

Magnus hic suæ Gentis Parens,

quem vicini soli traxit libertas

KOTFICIO innata CAMPO,

nescio vllis probrosi iugi coarctari manibus,

factus nouus Incola terræ,

C

subito

subito Patrios induit mores.
Quibus ita eminebat,
vt verus Lechia indigena videretur.
Nil peregrinum,
nisi sanguinem, virtutem & facultates retinens.
Successit tanto Parenti
genuina proles

HENRICVS

Magni Sarmatici Aeneae non degener Ascanius:
cuius etsi non modica laus censetur,
alto sanguine & innata virtute commendari,
maiores tamen gloriae & encomiorum cumulum
Paterno superaddit honori
inter ceteros Filios

IANISLAUS Archiepisc: Gnesnens:

qui natam sacris indolem
Diuino aptando cultui,
totum se caelestibus deuouit studijs.
Cruenti Martis amor,
quo **KOTFICIA DOMVS**
perennaturi sui Nominis comparauit gloriam,
non arrisit pio pectori,
cuius immunem Bellonae curis & tumultu mentem,
statim in primo adhuc aetatis flore
occupauit pietas.

quando
loco Heroici paludamenti aut militaris balthei,
Pontificio indutus murice,
pro casside, tiaram: pro hasta aut ense
Episcopale sumpsit pedum:
aeque gloriosum existimans
Orationibus ac armis pro Ecclesia Dei certare
& Haereticos veritatis argumento,
quam hostes telis conuincere.

Primo hunc
Posnaniensis excepit Cathedra,
cuius regimen & recte administratus honor,
cum dignum capessendi altioris fastigij probasset,
mox eundem abrepto Faus

BO-

BORISLAO Archiepisc: Gnesnensi Metropolitana Ecclesia

Electum venerata est Archipræsulem.
Non contraxit **VATICANA SEDES**
tam dignae Electioni eius,
quem
pietas, eruditio, compti mores
& pulchra virtutum series
jam pridem Ausonio commendauerat Orbi.
Proinde à CLEMENTE V.
protunc Summo Pontifice
in Archiepiscopum Gnesnensem consecratus,
Illustri Virtutum documento
dignum se tanto probauit honore,
cui triginta & duobus praefuit annis.

Iustum eius honori congerunt gloriae argumentum
DVO REGES SERENISSIMI

VLADISLAUS LOCTICVS

CASIMIRVS MAGNVS

hic pace, ille armis praestantior,
quos Magnus is Archipræsul coronauerat.
digni,
quorum laureatos vertices sacratae tanti Viri mano
Regalibus decorare coronis.
In promouendo Dei cultu,
quali aestuaret pietate,
vel ipsa Ecclesiae Ordinis Praedicatorum
in Vrbe Znineni ab illo fundatae
testari possunt monumenta.
Adauget iustam Panegyrim
succeedens gloria

Verus KOTFICII CAMPI surculus DOBROGOSTIVS. RADO MICCIVS.

Cuius amorem & fidem in Republicam
Zelus tuendae eius integritatis declarat.

Hic

vt se amantem Patriae probasset Ciuem

duran-

durante Interregno
post Fata **LVDOVICI** Poloniæ
& Hungariæ Regis
inter alios Regni Proceres boni publici studiosos
adscribi & annumerari curauit.

*Paratus pro salute eius effundere sanguinem,
quæ illum intra sua viscera natum,
suo educavit sinu.*

Alijs in vora & calculos effusis ac applaudentibus

D. HEDVIGI Filii
LVDOVICI Regis,
ipse quoq; Electioni eius fuit, addito calculo,
iustum reputans:

*ut Virgo Paterno succederet honori ac solio,
quam sceptri throniq; Regalis hæredissam,
tanto fastigio ac regimine dignam,
portio auiti sanguinis,*

insignis forma & virtutis honor commendabat.

Nec minor encomiorum debetur census

IOANNI KOTFICZ.

qui

Gentilitium Nomen

perennè victuris anhelans commendare fastis.

insignem condidit Ciuitatem

à suo Nomine **KOTFICZ** appellatam.

Non satis duxit illustris Heros

Virtutibus & innatâ dexteritate

non morituram venari famam,

nisi quoq; à rudi lapidum mole

& fastu rumentibus monumentis

immortalitatem Gentilitij sui nominis quasiuisset.

Ampliori gloriæ succedit passu

immortale decus Palladis & Phæbi,

Præfulum apex,

amor Regum ac aui sui gloria

ANDREAS ARCHIEPISCOPVS

GNESNENSIS

Cui

Gentilitij sanguinis splendor.

prz-

præclaræ animi dotes ac insita pectori virtus
inprimis Præmysliensem contulerat Tiaram,
altioribus posthac egregiam indolem decoratura
sacri honoris fastigijs.

Mox & illum Plocensi præfecit Cathedræ.

Nouæ eius sorti,

quod illo Præfule gloriaretur Plocia,

Metropolitana inuidit Sedes;

ast & huic fauorabilior arrisit Fortuna:

etenim vitâ functo

MATHIA DRZEVICCIO

Archiepiscopo Gnesnensi

illum è voto omnium

desideratissimum excepit Antistitem.

Ast publico malè fuit plausui

non diu vitalis honor,

dum inclementiâ fatorum immaturè concidit,

biennio nonnisi in Archipræfulea sede, exacto.

Ed grauiori vulnere pia Matris viscera

crudèle lancinavit fatum,

quod dignum Nestoreo ævo.

ab eius complexu tempestiuè abreptum

implacabilis sustulit Libitina.

Verùm.

pulchrum est vitam consummare ante Obitum;

liquidem.

ex omnibus bonis, quæ Natura largitur mortalibus

nullum est, tempestiuè morte melius

Acerrimum Ecclesiæ fuisse Defensorem.

eruditus eius testatur calamus,

quo Orthodoxam strenuè tuebatur fidem,

impias Lutheri & Caluini hæreses,

à Vaticana Sede

damnatas

veritatis argumento doctè refutando.

Hinc dubium est?

maioremnè illi gloriam & laudum apothecosim

insignis doctrina & zelus tuenda Religionis,

quàm tot congesti amplissimi honores parturierint.

D

Non

Non in parciore laudes ac elogia
obsequentem vrget calanum
spectata virtus & probitas morum
HENRICI Episcopi Cuiaviensis.

Huic
Natalium splendor & probata animi integritas
capessendi Præsulei honoris
grande fuere argumentum.

Habet equidem,
quo gloriatur CUIAVIENSIS CATHEDRA.
quòd **HENRICVM**

Magnum inter ceteros numeret Antistitem.
quem.

in commodum Ecclesie ac perennem sui quoq; gloriam
KOTFICIVS produxit CAMPVS.

Sacratas complet laudes

NICOLAVS Archidiaconus Posnaniensis
Gnesnensis Canonicus. V. I. Doctor.

Magus hic
Religionis & Themidis Cultor,
iusti ac æqui arbiter,
calo addictarum mentium Tutelaris;

quem.
præstantissima Virtutum possessio
& iuris Pontificij legumq; peritia,
non solum principalioribus Cathedris.
ast quoq;

Serenissimi olim **ALEXANDRI I.**
Poloniae Regis

throno commendatum reddiderat.
In defensione Ecclesiasticae libertatis,
egregiam eluxisse operam tanti Prælati
turbidus prorunc spiritualis Reipublicæ agnouit status,
indefensa eius curâ ac insigni prudentiâ
Raptores & Inuasores bonorum Spiritualium
convinci videndo.

qui ut & in posterum
cleri sacrorumq; securitati prouidisset,
Privilegia & Statuta Immunitatum Ecclesie

ab

ab **ALEXANDRO** Rege approbari curauit.

Magna Nobilissimi sanguinis
ac ingenitæ virtutis commendatio,

non sinit præterire

alterum eiusdem Nominis

NICOLAVM Stabuli Regni Præfectum.

Inculcata morum facultas

& generosus animi vigor

Regali commendauerant Majestati

excellas tanti viri dotes.

Nec aliud à vocali laude

censores agens inuenit genius

Serenissimi olim & Inuictissimi

SIGISMUNDI I. Poloniae Regis.

Dignum proinde suo Regio censuit favore

Serenissimus Princeps,

cuius pronam mentem

suo augusto mancipatam nutui apprimè nouerat.

dignum certe

quem non tantum Officiale Regni creasset;
sed

qui etiam Senatorijs eminisset Curulibus,

non ægrè respondente tantis Officijs

apra latis eius indele.

Non dispar generosi pectoris

ac Heroæ virtutis gloria

STANISLAI Generalis Palatini Masouiae

subit celebranda.

Is ut se ex ipso quoq; Nomine

genuinum non vni brailis gloriæ probaret heredem.

illustre augustæ mentis

ac maturæ prudentiæ expressit documentum.

Legatus in Galliam missus

cum alijs Regni Proceribus

HENRICVM VALESIVM

Electum Poloniae Regem

in Sarmaticum deduxit solium.

Breui profugum,

iterum legationis functus Officio.

D.

in

in desertum thronum reuocare studuit;
 ast irrita effectus:
 quippè mellita Sarmatici Periclis suada,
 necquidquam flexit obduratam mentem profugi,
 qui Patrio allectus Sceptro
 exoricum repudiauerat,
 renuens in Reges:
 quia liberas Polonorum Mentem
 limitatam habere potestatem.
 Admirabundus Sequana
 bis spectauit peregrinam Majestatem.
 & Magnum Lechiæ Cyneam veneratus est.
 gestiente Patriâ.
 eius innata dexteritati tantum commisisse negotium,
 cuius studio gloriæ nifu
 & sumptuoso obsequio,
 exorico soli ac solo
 Lechiæ Gentis probata amplitudo,
 commendata dignitas.
 Adæquat tantorum Nominum laudes
 genuinus KOTFICII CAMPI palmes,
 Illustrissimæ Sux Domus gloria.
 Amor populi & Lechici Orbis delictum.
HIERONYMVS RADOMICKI
 Palatinus Inouladislauensis
 Wschouensis, Mosinensis &c. **CAPITANEVS.**
 Magni Nominis,
 Majoris virtutis,
 Maximæ gloriæ Heros.
 Quem primò eadem,
 quæ & Antecessores eius
Auita Virtus & RADOMICCIANI Nominis
 amplitudo
Capitaneum Wschouensem & Mosinensem
 constituit.
 Breui eundem.
 Meritorum & Heroæ fortitudinis commendatio promouit,
 & ad Krzywinensis Castellancatus
 extulit dignitatem.

Neq;

Neq; is honor
 Augustæ tanti viri potuit respondere Majestati,
 ampliorem præminentia censum
 exigente illius meritorum gloriâ,
 nisi quoq; in trabeati honoris dotem
 virtutisq; præmium,
Inouladislauensis Palatina Curulis
 venisset.
 Sensit Sarmatici Alcida fortem manum,
 non minus Moschouiticus Draco,
 quàm & plerumque suo malo renascens
 Orientalis Hydra.
 Nec tulit illius inuictam fortitudinem,
 quem nouerat
 strenuum semper Patriæ agere Hectorem.
 Moschouiticæ & Chotimenses laureæ,
 quæ **Serenissimo SIGISMUNDO Tertio,**
 simulque Lechæo Orbi
 immortalem pepererunt famam,
 etiam **RADOMICCIANO debentur honori**
Magni HIERONYMI.
 Cuius inconcussæ virtuti,
 non semel numerosæ hostium succubere vires.
 Nec tantummodo
 Martium ille anhelabat spiritum,
 ubi Achillean exuerat mentem,
 diuitem consilijs ferebat genium:
 ut si bellaces animæ
 duris Bellonæ non incumberent studijs,
 & furenti chalybi intrepide parcerent manus:
 ipse quoque Martialem temperans æstum,
 incruentâ consiliorum ope
 fatiscienti Patriæ subueniret
 prudentissimus Nestor.
 Herodæ tanti Viri facta,
 immortalem Nominis eius pollicentur gloriam,
 qui
 Virtute armis & prudentiâ
 paranda immortalitati studuit.

E

Acce-

Accedit in complementum
Auxilii ac Paternæ simul gloriæ
Nobile par Fratrum
Castor & Pollux
MARTINVS & CASIMIRVS,

Magni Parentis Magna Soboles.
Non humilis mens aut ignavus spiritus
generoso insiderat pectori
MARTINI Wschouensis Capitanei,
in eum honoris gradum
hereditaria illum promouente virtute.

Cuius
consiliorum prudentia, oris lepor & Suada,
multoties ita fluctuantes Ciuium animos
in Comitij & Regni Conuentibus, delinuerat;
ut non secus ac si alter Gallicanus Hercules
suspensas malè coherentium mentes concatenasset,
& placido deuinxisset eloquio.

Expertus est tanti Viri genium
& oris felicitatem,
**Serenissimus olim ac Potentissimus
VLADISLAUS IV.**

maximo cuius non imparem officio:
cum sapius ille è voto exposcentis throni
in Comitij pro Regia domo Orator
fraternis persuasit mentibus.

Vlystem certè aut Demosthenem
ingenij iudicijq; probauit dexteritas,
cuius dulci facundiâ & maturis consilijs
faciles acquiescerent animi.

Ante laudes & encomia Parentis,
cuius etiam quinquennio præuenit fata
immaturè crudeli fatorum abreptus decreto.

selectus KOTFICII CAMPI flos,
genuina voluptas ac delictum Parentum,
blanda Patriæ spes,

perenne fraternarum mentium desiderium,
breue admodum æui ac formæ suæ decus;
diu victura in addictorum animis Domus suæ gloria

IOAN.

**IOANNES RADOMICKI
Castellanides Calissiensis &c:**

Fortunatum sidus huius affulserat Ortui,
arridensq; nouo lucis & auræ candidato,
benigno iubare infantiles lustrauerat cunas.

Cui & Natura quoq;
fauorabilem se præstiterat,
dùm eum ita efformauerat,
ut ad commendationem eius, nihil defuisse videretur.
vultum decorum, mores comptos & modestos,
facile pectus ad virtutes & seria,
nescium inuerecundis succumbere illicijs, largita.

Quibus naturæ donis
indocilis eius extolli animus,
quamuis formæ venustate Adonidem superaret,
prudentiâ Paridem,
constantia mentis Catonem, referret.
Iuuenis virtutum æquè ac literarum cultor,
Fortunæ, quæ eius nutui arridentes pollicebatur vices,
apprimè capax.

In quo refulgebat
magnæ virtutis spes
germenq; honoris.
Suius illum commendabat ardor
& maiora spirans animus,
quàm quæ priuatorum studia optare audent.
Totus in illo Auius,

totus Pater,
tota augustæ stirpis Majestas.

Vltra ætatem
specimen generosæ indolis in eo adoleuerat,
(virtus quippè non exspectat annos)
qui studia & Nobilissimæ Prosapie suæ vota,
non vano solarij argumento olim impleturus erat,
spei & votorum compendium factus.

Ast inuida Lachesis
immatura vitæ eius abruptis flamina.
cùm vix vno anno supra tria lustra exacto,
teneram mentem
docilemq; genium literis imbueret.

Nega-

Negavit speciosum hunc florem
diutius in Gentilitio CAMPO succrescere,
cuius fragrans virtutum odor
ignotas etiam in sui amorem rapiebat mentes.
*In ipso ætatis flore
pulcher flos emarcuit,
succisus mortalitatis falce,
qui diuturniori dignus erat ævo.*
Contra omnium vota
Parentalibus addictus umbris,
extinctam spem & solatia mæstorum Parentum
in gelidam urnam secum detulit;
posthumo in cordibus superstitum gravi dolore
ac iusto sui relicto desiderio.
*Ille tamen
memori non excidet ævo,
victurus in non obliuiosis mentibus,
cui fatorum inclementiâ
ultrâ in terris vivere negatum est.*

II.

Splendor Cognati sanguinis.
Hactenus natiuæ laudes,
nunc cognatæ subeunt,
quæ privilegio coniunctionis
facundum poscunt calamus.
Et quamvis Natalium gloria
extranei non egena decoris,
ingenito satis commendetur splendor;
nihilominus, ut ex geminata luce
congestisq; Prosapiarum radijs,
clarior emineat,
inquirendis etiam cognatis luminibus,
obsequentem iuvat deuovere pennam.
Victor SOBIESCIORVM Clypeus
præstantior ementito Numæ Pompiliij,
in RADOMICCIO CAMPO
angustum fundit splendorem:
ut in hac genuina Martis aræa,
obstans vulneribus crudaque Bellonæ supellex

glori-

gloriosius triumphet,
Vimbo hic
Regalem possidere thronum meruit,
qui Lechicos ornans & armans Falces
unicum Aquilæ Polonæ tegumen
ac præsidium celebratur.
Est vnde gratuletur sibi Lechia?
quod contra insultus hostium
inuictum habeat Ancile,
cuius resistente inconcussa virtute,
facile barbarorum eluduntur impetus.
Vasto laudum affluit gurgite
RADOMICCIVS CAMPVS,
dum immortalis gloriæ
ac gestorum fluentis diuite
LYBOMIRSCIORVM SRZENIAVA inundat fluuiio.
Illustre hoc Elementum
fertilitatem donat humectatis,
quibus indeficienti lymphâ
suis abblanditur aluea.
Nesciunt sterilitatem **KOTFICIA** Tempe;
quorum campestria perfudit
liquida **SRZENIAVÆ** Crystallus.
Pareat iam Ægyptus Nili,
India Gangis, Lydia Pactoli laudibus,
Nec aurifluos gemmiferosq; fluuios
deprædicent longinquæ ignoti Orbis Regiones.
Etiam illis non inferior est Lechia,
quam non fabulosus Hydaspes,
aut superbus diuite arenâ Tagus;
sed Nobilior **SRZENIAVA** irrigat,
in Patriæ bonum & mille commodorum vñus,
non paupere exundans tractu.
Nota hic statio
Nobilissimæ
OPALENSCIORVM, SZOLDRSCIORVM,
TOMICCIORVM, & GORSIORVM
Nauis.
quæ ad hunc **CAMPVM**
tanquam ad fortunatas Insulas

& bonæ spei Promontorium
 secundo enauigauit cursu.
 Fortunati iasones,
 quos in Lechicam Colchidem,
 nimirum:
 ad RADOMICCHII CAMPI lictus
 sua illustris detulit Argo.
 Sæuiat potens fluctibus dominator æquoris
 ac immitem concitet Æoliam,
 non pauet minas & furentes procellas
 animosa Rates,
 quæ virtutum remigio,
 Syrtes & Charybdes superat,
 infames scopulos Acroceraunia vincit.
 In hac quoq; Bellonæ area
 Lechicus Mars
 Victoriosum expandit ZEBRZYDOWSCIORVM Vexil.
 Non vanam trophæorum spem Patria (lum.
 aut inauspicatum concipiebat victoriæ omen,
 quoties triumphale hoc Labarum
 hostium viribus æquè ac oculis
 spectandum opposuerat.
 Inclita DABSCIORVM Pinus
 in hoc etiam Campo
 patulas suas explicat frondes,
 ubi officiofas spargendo umbras,
 Martiales curas & strenuos demulcet labores.
 In velamen Patriæ
 frondosum inclinat decus:
 siue eius ornatui
 siue defensionis obsequendo.
 dum non magis in illius tutamen
 hastas, contos & minacem Gradiui supellectilem,
 quàm in ornamentum
 Curules, clauas & augusta honorum producit insignia.
 Bellax BRANICCIORVM & VIEYSCIORVM Gryphus,
 non ad aurifodinas Arabum
 & diuitem terræ sinum excubat:
 sed in hoc amplo gloriæ CAMPO
 auream libertatem & Patrios tuendo Penates,
 per-

peruigilem agit.
 Aliorum fortitudinem pedestris alacritas
 in Martiales retardat ausus;
 Ast audax Gryphus
 in hostiles turmas concitato ruit impetu,
 cui pius amor
 in defensionem Patriæ
 alacres aprat alas.
 Amplior RADOMICCHII CAMPI emergit Majestas,
 quando cognatos
 KRZYECIORVM, & DALESZYNSCIORVM
 KOTFICIOS CAMPOS
 in vnionem recipit.
 Thestila Tempe suæ puderet tenuitaris,
 si KOTFICIORVM spectarent amplitudinem.
 Sua etiam Tempe jam habet Sarmatia
 aut certè Elysios è Græcia peregrinos.
 in quibus
 non Parentales umbræ, defunctiq; Manes
 humanis exempti curis,
 pacatori fruuntur auro;
 sed ut expectata melioris sæculi origo vernet,
 larga honorum seges
 ac optatæ sortis votorumq; messis
 floreat & succrescat.
 Præclatum OSSOWSCIORVM Ceruinum Caput
 diligentiores non titubante oculo agit excubias
 in KOTFICIO CAMPO,
 quàm peruigil draco in Hesperidum viretis,
 vel centoculus Argus
 Iunonis suspicioso timori obsequens:
 Portentosum Medusæ caput
 (cuius vel solo intuitu
 in mutos lapides silicesq; duros
 incauti degenerabant mortales)
 inepta veterum pietas
 caelestibus addixit Phœnomenis.
 An non gloriosius Caput hoc?
 ad cuius aspectum
 non semel aduersa obriguere pectora

ac hostium exanimata procubere vires.
Dignum profecto
ut cui suus habetur honos
inter praestantissima Lechæi Zodiaci insignia,
supernis etiam associatum
nouam in firmamento iaclet gloriam
Virtutibus & meritis consonam.
Illustri **BVKOWIECCIORVM** Sagittæ
non alibi peregrinaturæ gloriæ meta digni
quàm in **RADOMICCIO CAMPO**;
vel semicirculo Annuli conformior capacitas
quàm in eius planitie,
ubi virtus & dignitas
Volucris sagittæ & sociabili annulo
felicem destinare scopum.
Gloriosior expeditæ huius Sagittæ iæus
in celsantia hostium pectora,
quàm Apollinis in Pythone vel Briareum;
Et nobilior orbicularis metalli dignitas
amicas iungentis mentes,
ipso Gygis Annulo,
abditos mortalium inquirente mores:
vel Alexandri,
obsignante amicum os Hephæstionis.
Hic quoque reponi meruit
vetustate originis & meritorum splendore
clarissima **REIORVM** Alesia,
Lechæi fabricatrix throni.
Digna certe fuit illa
in aprico **KOTFICII CAMPI** locari,
digna in propatulo conspici;
quæ spectante orbe & sole
nunquam non liquida egit.
& quam
semper Architectam immortalis gloriæ
ac perennaturi nominis existisse,
Sarmatici stupere Triones.
Feliciter **POGONZELSCIORVM** & **GRABSCIORVM**
iacta est alea,
quando in lusorium abacum

vel potius in ludum
idem ipse cessit Campus,
qui semper non dubitante genio,
amplissima fortune & honorum
usque habetur Area.
In qua
non sic Pastanz,
quàm **IAKTOROWSCIORVM**
& **ROZRZAZEWSCIORVM**
vernant Rosæ.
Pulchrius hic nobilissimi floris surgit honos
& duraturi nominis viget gloria.
Laudabiles Rosæ,
quæ
in hostes aculeis armatæ,
propter viatores coronamentis fecundæ.
Celebrem **BARANOWSCIORVM**
& **ZEGOCCIORVM** Soleam,
quam Herdæ dexteritas
& virtutum usus perpoliuit.
RADOMICCIVS excepit **CAMPVS**,
ubi illam
millena laudum emetiri stadia
ac diuitis gloriæ iuuat emereri plausus.
In hoc pariter Campo
non segnis in Martios ausus fama
vocales **MIEKICCIORVM** vrget tubas.
Quò cruentum Gradiui opus
& bellicæ virtutis amor
Achilleum inuitat pectus.
Clangente hic Bellonâ,
documentum capitur
memorem **KOTFICIORVM** gloriam in certamine natam
Vberius solum **KOTFICIO CAMPO**
fecunda laudibus ac immortalis honore
GRZYMVLTOVSCIORVM Arbor
non inuenit.
quæ
ut expectanti Patriæ
aureos germinaret fructus,
ultrò suos nobiles ramos

G

in

in clauas Ducum, Senatorias Curules
ac reliqua trabeati honoris insignia
præscindi curauit.

Maluit certè truncata
ac superfluo frondium decore uiduata haberi,
quàm pio Patriæ desiderio ac honori eius deesse.

Maiores RADOMICCIO CAMPO
accedit laudum apotheosis,
dum inclytis NIEGOLEWSCIORVM Turribus
nesciis in rudera flecti,

ipse insitum ac fundamentum cessit.

Suos Ægyptus vel Alexandria
parcius jam celebret colossos;
cùm præstantior istarum sit gloria:
ex quibus

mille clypei & omnis armatura fortium
pendet in subsidium Patriæ.

Certum sibi Lechia
non deesse potest iactare munimen,
ubi armatus miles

ad reprimendos hostium impetus
in ipsa Turrium excubat porta.

Nouum encomiorum thema
RADOMICCIO subit CAMPO,
quod antiquâ origine & gloriosis factis
commendabili MIELZYNSCIORVM Nowinz
patulus haberetur.

Non alibi Heroicum pedem iuuat decurrere,
nisi hic,

quod immortalis gloriæ & honorum meta
generosam inuitat plantam.

Decuit etiam bellatorem gladium
Martio calentem æstu

in hac Bellonæ vagari area;
quæ victoriarum ac trophæorum Campus est,
hostiliq; madens cruore,
victrices parturit laureas.

Victorem hunc chalybem,

cui
vel inuitus ipse Gordius cederet nodus,
non ut ahenæa solum; sed

sed aurea quoq; ambiant monumenta
& triumphatrices circumdant oleæ.

Martiales curæ & studia
exigunt è pondere meritorum.

Nobiliori Bellerophonteis ac Diomedæis
K R E T K O W S C I O R V M,
Z A L E S C I O R V M & M Y C I E L S C I O R V M

Soleæ

cruce insignitæ, in cursum:

Sagittæ, in metam
non alius debebatur Campus,
nisi RADOMICCIVS.

In quo

illustris solea

nunquam morituræ gloriæ imprimeret vestigia;

& pernix sagitta

præfixum contingeret perennis famæ scopum.

Inclytæ GOSTYNSCIORVM Vulpes
elegantia laudum impulsæ desiderio;

in huiusce Campi stadio

din victuram venantur gloriam.

Non inuident suam leonibus Lybiam,
pantheris Persiam, camellis Thraciam;

ut potè,

quas amæna KOTFICII CAMPI fouet venustas,

illis perenne honoris & gloriæ
supplendo pabulum.

Serena GARCZYNSCIORVM Phæbe
& nobile par siderum

Sarmatico lucere orbi nata

altiores non ambiunt sphaeras.

dum RADOMICCII CAMPI orbita

Lechici cæli gloria

natiuam illorum lucem,

non modico laudum honorisq; tractu extendit,

Illustrem Sagittam

splendido stellarum stipatam satellitio

è lunati arcus sinu vibratam,

non aliò,

nisi in sublimia gloriæ & honorum

deceat

debet contendere,
Aurea in KOTFICIO CAMPO fortunæ meta destinatur,
quam auratis cuspidata stellis
perennaturæ laudis studiosa tangat arundo.

Hic etiam insignis
KVNINSCIORVM & CHOINSCIORVM Abdank
spectari gaudet.

Calo vicinas ac Olympo æmulas moles
superba non iactet Memphis.
Nobiliore in KOTFICIO CAMPO vertices
ac potiora trophæorum eminent monumenta,

quæ
splendor Natalium,
Sanguinis nexus & Herodæ virtus,
perennaturæ Habdankorum Nominis honoris
in triplici culmine erexit.

Non adduco hic
& aliarum nobilissimarum Prosapiarum
cognati sanguinis splendorem,
quem stabilis amor in KOTFICIO CAMPO reposuit
ac pulchro fœderis nexu

Auito RADOMICCIORVM associavit honori:
cùm nouerim.

feliciore hoc opus & officium esse calami,
cuius ope ac obsequio
collecta Familiarum decora,
secuturis etiam transmissam sæculis
posthumam suam iactent gloriam,
in cordibus superstitem perennantem.

III.

Illustrissimi Senatoris
dotes, virtutes, honores & merita.

Iusta gloriæ possessio
& nobile encomiorum argumentum est,
præclare Majorum factis probari:
Auita quippè virtus & Antecessorum dignitas
ingentem laudum censum
ac non vile Apotheosis vestigal
successivo Nepotum honori subministrat:
Cùm certum sit.

amplio

ampliori tractu
in hæredes animos alueum gloriæ,
quàm sanguinis in cunas infantiles defluere.

Necesse est
Herodam præferat mentem generosa indoles,
cui congenita Paternæ fortitudinis
non raro inest cum sanguine facultas,
& quem hæreditaria Virtus
ingenito urget calcare:
Fortes enim creari fortibus,
indubitatum est.

Primum hoc laudis thema debetur
Illustrissimo olim & Magnifico Domino

D. CASIMIRO

de Radomicko.

RADOMICKI.

Castellano Calissiensis, Mofinensis &c.

CAPITANO,

quod ex Nobilissima KOTFICIORVM Prosapia
duxerit ortum.

tot clarissimis Viris & Herodibus insigni,
nimirum:

..... quemcunq; requires
Hæc de stirpe virum, certum est de Principe nasci.
Per titulos numerantur Aui, semperq; renata
Nobilitate vigent & passim fixus in omnes
Cognatos procedit honor, seriemq; Nepotum.

Nec inferioris gloriæ
Materni Prærogatiua generis
præstantissima VIEYSCIORVM Familia,
quæ vetustate & natiuis Herodibus commendabilis
illustrem ei largita sanguinem,
felicem Natalium geminat pompam.
Effuso in lucem sauit Lucina,
aureos diuturniori vitæ eius inferens dies
& felicia momenta.

Postquam infantilibus puer renuntiauerat cunis
& ætas aptam studijs detexerat indolem.

Nouam Melitam mittitur

H

in

in Posnaniense scilicet Collegium LVBRANSCIANVM
tenellus Heros,

literarum præsidio contra ignorantiam armandus,
vbi strenuum se probavit Athletam
in puluere scholastico,

dum intra breue tempus,
capacem disciplinæ mentem
rogatæ militiæ imbuerat rudimentis.
Placuit post Athenas adire Sarmaticas,
Almam inquam Academiam Cracouiensem,

Regni Scholam,
Lechiæ Ocellum,
inclytam Musarum sedem,
fecundam æquè ac fortunatam ingeniorum Altricem,
vbi

Clarissimo olim & Excellentissimo Domine

D. M. LVCA PIOTROWSKI

Vniuersitatis Cracouiensis immortalis decore,

Phæbi Musarumq; delicio,
dignissimo Professore desudante,
in eum eruditionis & doctrinæ peruenit culmen,
quod paucis patet iter.

*& per ardua abruptaq; scientiarum
negatur aditus.*

Fortunatum Chironem,
cui nouum Achillem erudiendum

Lechica commiserat Thetys.

Nec hunc quoq; infelicem,
quem tanto ac tali Præceptore iuuit profecisse.

Vtriq; è voto cessit fortunæ calculus,
annuente studiis tempore.

Literis probè imbutus
Orbem etiam peragrauit;

vt aduerteret

quàm pugnent diuersarum gentium ritus
ac legum condendarum disciplina.

Immaturæ eius ætati

honor & autoritas

adiunxere itineris Comitem

Per-

Perillustrem olim & Rndissimum Dominum
IOANNEM GROBLICKI I. V. Doctorem.

Cathedralem Posnaniensem Canonicum.

Collegij Lubransciani Directorem.

Noscendus magis

quàm notitiam capessiturus

longinquos permeabat Triones:

& cum peregrinas aliorum mentes
non visarum vrbiū ac affabrè artefactorum operum

curiosa inuitent spectacula,

ille augustæ suæ indolis

& virtutis nouo spectaculo,

exteros detinuit admirantes:

Adeò difficile,

vel in gemmantis arvi vere

magni premuntur spiritus.

ipso innocui candoris sese depingunt penicillo

ac in rudibus pueritiæ lineamentis

non falsam secutura amplitudinis

ideam efformant.

Dignus laudari curiosæ mentis

& animi censorem agentis impetus,

qui

intra fines Patriæ se coarctari non passus,

exotica lustrauit Climata

decentius existimans

remotas etiam ac alieno sole calentes

scrutari terras,

quàm in natali solo

pacatioribus curis intentum delitescere,

Orbemq; in Orbe nescire.

Feliciter reducem domestici excepere lares,

cuius Patrium peregrino vacuum furo

agnouere animi.

Tyrocinia obsequiorum

Serenissimo olim & Potentissimo

VLADISLAO IV.

impenderat.

In fidelitatis certamine

à ne-

à nemine vinci passus,
cuius niuea mentis ac serena indolis candor,
interdum fucatos superauit canos.

Adultior ætas
auitæ eius explicuit mentem,
durioribus Bellonæ studiis
armorumq; curis natam.
Et ne priuatorum sollicitudo,
bellaces è generoso pectore extruderet spiritus,
Marti nomen, ætatem castris,
dexteram armis, consecrauit.
patientia durum instruendo corpus,
ut nulli cederet labori.

Excitauerat eo tempore in perniciem Patriæ
furiosa Erynns

infanem Cosacorum colluiem,
contumaces animos in arma exacuens,
ut Giganteo illorum ausu
ac coniuratis viribus,

Lechicus concideret Orbis.
Malefano rebellium impetui
animosa iuuentutis Polonæ restitit pietas,
cui etiam commilitonem se adiunxit
strenuus Heros,

iusto defendendæ Patriæ calens Marte.
Vtrinq; non modico tempore
dubius lussit Mars,
variante fortunâ:

cùm virtus pro dolor cederet numero,
& dein virtuti furor succumberet.

donec
Infames Thracum turma, Cosaciq; rebelles
Edomiti paribus tandem cecidere triumphis.

Enituit illic in acie
magnanimi Herois fortitudo,
inuictam manum
ac impavidam pro Patria ferentis mentem.
Perennabit dexteritatis eius gloria,
quamdiu Berestecenses laureas
deprædicabit fama.

Nec

Necdum de toto extinctum
rebellem furorem,
noua ab Aquilone secuta tempestas,
quæ laceram Sarmatiæ Nauim,
iterum armorum fluctibus
& eruenti Martis agitauit procellis.
nimirum:
Balticus ille transmarinus Leo
suâ non contentus sede,
tanti discriminis securam inuaserat Lechiam.
Hostilia fatiscienti Patriæ
superbus intulit arma,
ut ciuili Marte fatigatam,
facilius iure belli & armorum potestate occupâret.
Nec hic etiam
non segnes ad arma manus
poscente Patriâ,
Martius Sarmatici Achillis emarcuit spiritus.
Inuictam ille cum armis induerat mentem,
ubi pius defendendæ Patriæ amor,
bellaces animos acuebat in Martem.
Fortunæ victoris restitit impetterritus Heros,
dulce & decorum pro Patria mori existimans,
dùm proprio ære.
aliquot catafractorum & leuioris armaturæ cohortes,
Glogouiz collectas, aluit.
ut non minus labenti Patriæ afferret subsidium,
quàm eleganti armorum studio,
attonitos Ciues.

ad similem virtutis excitaret ardorem.
Quantum pro salute Patriæ,
Victricia eius arma & castra desudârunt:
Vixit adhuc, completq; vagis sermonibus aures
Gloria fusa Viri, quam nec ventura silebunt
Lustra, nec ignotâ rapiet sub nube vetustas.
Quinimò tanti Herois
Nomen fama vehet trans aquora, transq; remotas
Thetyos ambages, Atlanteosq; recessus.
Noluit probatam eius fortitudinem

I

Sere-

**Serenissimus olim & Bellicosissimus
IOANNES CASIMIRVS**

impræmiatam dimittere:
quippe cum videret illius
zelosum erga Religionem,
pium erga Patriam,
ac fidele erga Regalem thronum, pectus.
in præmium Martij laboris,
Heroæq; virtutis stipendium,
honorem Castellaneatus Calissiensis
vltro ei contulit.

quem ille agrè suscepit
existimans æquè esse;
haberi dignus honore
ac trabeatos capeßere fasces.
Sic è cruentis Bellonæ laboribus in acie,
victrices laureæ

& Senatoria curulis ei nata.
Indutus sago Lechicus Achilles,
meruit etiam rogâ

ac Senatorio paludamento vestiri.
Augustæ tanti Senatoris dotes
& animi integritas,

**augustum pariter Serenissimi olim
MICHAELIS I.**

in sui amorem pellexerant pectus.
vt quod

sincera Regalis genij conceperat voluntas,
illud officiosâ exaratum manu,
oculos & amicam edoceret mentem.

certe
alteri Alexandro
fidus non defuit Hephæstion.
Pari benevolentia studio,
tanti Senatoris genium
prosecutus est.

Orientis fulgur, Meridiei terror,
Occidentis desiderium, Septentrionis gloria,
Orthodoxæ Religionis scutum.

barba-

barbararum gentium Victor
ac Otthomani Orbis domitor
**Serenissimus ac Inuietissimus
IOANNES III.**

Agnouit hic bellacem Herois animum,
non imparem Bellonæ curis.
ac proinde dignum,
quem suo Regali adiunxisset lateri,
æquè periculorum ac trophæorum socium.
Iuit imperterritus Heros,
licet jam gradæuus annis,
canitiem galeâ premens,
vbi publicos iuuat mereri plausus.
ac vbi

Fata Christiani Orbis
ab impio Parætonij Tyranni pendebant ense;
Fortunatum Athletam
Austriacus Orbis

stupuit & veneratus est.
cuius etiam dexteritatis auspicio,
insolens Thracum concidit fastus
ac fracta succubuit potestas.

Viuet armorum & virtutis eius gloria,
quousq; Viennenses vernabunt laureæ.

Magnus Heros

Natura opus ingens & multi temporis labor,
ita ad Martis studium natus,
vt generosiores alterum aut prudentiores,
vix tulerit sua ætas.

Ejus

Narrem iustitiam, resplendet gloria Martis.
Armati referam vires, plus egit inermis.

Quippe

quem acies vidit in sago Achillem,
eundem Senatus spectauit in toga Consum,
ex utroq; probauit Casarem.

Suæ virtutis spectaculo
Lechicos impleuit Triones.
Nec exinde sibi maior visus est;

sed manifestior.

Edq; morum suauitate dignitatem temperauit

que

quæ omnem inuidiam amoueret.
 Ex virtute,
 non ex rerum successu, hilari.
 etenim virtutibus ille
 Fortunam demuit, nunquamue leuantibus altis
 Intumuit rebus, sed mens circumflua luxu
 Nouerat intactum vitio seruare rigorem.
 Nullius cupiditatis labe
 suam inquinauit gloriam.
 Omnia in eo perficiebant
 vno vestigio incedentes.
 prudentia & integritas.
 Fauorabiliori naturæ dono.
 in illum mista fluxere,
 quæ seorsim sparguntur in omnes
 & quæ diuisa beatos efficiunt,
 collecta possedit.
 Cleri & præcipue Seraphicæ Religionis
 Cultor & Patronus,
 cuius Calissiensis Conuentus
 annum prouentum ex Castellaneatu
 quotannis largiebatur:
 sciuerat enim
 Christum in paupere Francisco triumphare.
 totumq; id pia damna refusus
 impendi calis,
 quidquid egenæ pietati donaretur.
 Quod de magnificentia
 ac dignitatis cura detrahebat,
 honori Cælitum impendebat,
 miseræ egestati ac orphanæ indigentia erogando.
 Sic non tardante eius ope,
 ad læticiam creuit pietas.
 Et quantumuis hucusq;
 infractum seruauit animum
 contraq; minantia fata
 Peruigil, euentusq; sibi latura secundos
 Maior in aduersis micuit
 semper mens illius
 nihilominus tamen
 iusto succubuit dolori.

quem

quem inopina charissimæ filia suæ mors
 exciuit.
 ut cogeretur,
 tempestiua natæ conqueri fata,
 quorum ineluctabili potestati,
 ipse breui in spoliū cessurus erat.
 At interdum
 ad dolorem componi & lachrymas effundere
 non imbecilli pectoris tessera.
 aut constantia labe;
 sed amarissima pietatis officium
 & amoris validissima lex.
 Cui certè neminem obrectare decet,
 nisi qui hominem exuit,
 ut inter feras aut rupes censeatur.
 cum certum sit,
 propè homines non esse,
 qui dolere nequirent:
 ubi casus exigit humanitatis Officia.
 Exstinctæ nomen Constantia,
 nouissima Parentum proles,
 & dulce solatium.
 innocui pudoris flos ac gazophylacium virtutum,
 virginæ laudis norma,
 non diu vitalis formæ ac sexus sui gloria.
 Quæ vix auroram vitæ suæ exorsa
 & iam impropinqua noctis nuntia Hesperugo
 vitalem eius coarctauit diem.
 dum nouum Ver parturiret flores
 & pulchra Chloris,
 suis euandis superbitet muneribus,
 innocuum hunc florem,
 crudelis decerpit Libitina,
 cælesti inferendum Vireto.
 Repentinum dolens obitum
 breui secutus immatura filia fata
 maturus ipse:
 cum iam ætatem 13. lustris & supra vno anno,
 virtutum & meritorum gloriâ,

K Lechi-

Lechicum impleuisset Orbem.
Defunctæ superstitem in terris agere noluit,
quam uiuus apprimè dilexerat;
sed marens concessit ad Manes,
in Regione uiuorum beatiori fruiturus æuo.
Tanto decore & fulcro orbata

Illustrissima Domus,

ex illius occasu,
grauem renouati doloris excepit ictum.
Sed parcendum est luctibus,
nec lachrymæ impendendæ sunt funori eius,
cuius nunquam morituræ virtutes,
Oculos & mentes superstitem
spectatæ non raro detinuere.
Viuit quippè post funera virtus.
&

Effugiunt structos fama decusq; rogos.

Perennabit eius gloria,
qui semper gessit immortalibus digna fastis,
& virtutum priuilegio ac meritorum dono,
immortalitatem sui Nominis consecutus est.


*Illum aget pennâ metuente solui
Fama superstes.*

In cuius Gentilitio CAMPO
crudelis Libitina feralem erexit Cupressum:
in eo jam victrices laurus, nobilesq; palmae
gratiori omine excrecant & ueruent.

Nempè
ubi squalida arbor,
dolorem & sepulchrales exciuit lachrymas,
illic fauorabilior aliquis exurgat palmes,
cuius auspicio,
discussis luctuum nubibus,
in hilaria & duratura gaudia,
pullatæ mentes serenentur.

Sic me Vate:

KOTFICII nunquam marcescet gloria CAMPI.
Cuius uernabit tempore quouis honor.



wey

132

Plant

Hirt. Polon.
6 spec.

23

